

近代中国船政

大事编年与资料选编

第二十三册

刘传标 编纂




九州出版社 | 全国百佳图书出版单位
JIUZHOU PRESS

近代中国船政

大事编年与资料选编

第二十三册

刘传标 编纂



115

六月十五日。戶部文稱。北檔房案呈。本部議覆。湖廣總督張奏。湖北鐵廠經費難籌。招商承辦。議定章程一摺。光緒二十二年六月十二

日具奏。本日奉

旨依議。欽此。除刷印原奏。恭錄

諭旨。飛咨湖廣總督。各省將軍。都統。督撫。遵照。惟查此件。係與外洋交涉。各將軍。都統。督撫。接奉部咨。奏底。一律各加慎密。毋令傳播。致生事端外。相應咨呈貴衙門查照。備案可也。

照錄原奏

戶部謹

奏為遵

旨速議具奏恭摺仰祈

聖鑒事。據湖廣總督張之洞奏。湖北鐵廠。

經費難籌。招商承辦。議定章程。截限

交接。以維大局。而計久遠一摺。光緒

貳拾貳年陸月初柒日。奉

硃批。戶部速議具奏。單併發。欽此。由軍機

處鈔交前來。查原奏內稱。湖北鐵廠兼鑛務鍊鐵開煤三大端。為中國造軌製械。永杜漏卮之根。今廠工早已次第告成。各種鐵鑪鋼鑪。冶鍊鋼鐵。製造軌械。均能精美合用。以至鐵山煤井一切機器運道。皆已燦然大備。惟是經費難籌。銷場未廣。當此度支竭蹶。不敢為再請於司農之舉。亦更無羅掘於外省之方。惟有欽遵上年

六月十二日

諭旨。招商承辦。方今滇藏粵桂新疆東三省之外。英法俄鐵路相逼而來。中國幹路已成。欲罷不能之勢。洋商早見及此。知中國開辦鐵路。需用鋼鐵必多。就地取材。獲利必厚。自上年秋冬以來。外洋鋼鐵大廠之經理人。前後來商。自願附股。加增爐座機器。添開煤井。大舉煉_{米得}後。利官商均分。洋商力

厚氣壯。慨然擔任。力言此事甚不為難。且外國公使領事。皆屢來婉切詢商。堅欲承攬。惟鑛務為中國自有之利源。斷不能與外人共之。洋商合辦之議。不得不作罷論。而華商力微識近。大吏都望而卻步。從前曾招粵商。迄無成議。蓋煤鐵並舉。局勢艱難。無怪其視為畏途也。伏查大冶鐵鑛。從前本係直隸海關道盛宣懷督率英國

鑛師所勘得。就鄂設廠煉鐵造軌之議。又自該道發之。且曾續有承辦原議。該道才猷宏達。綜核精詳。於中國商務工程製造各事宜。均極熟習。經理招商局多年。著有成效。久為華商所信服。適因奉差在滬。經_臣電調來鄂。勸令力任其難。檄飭將湖北鉄廠歸該道招集商股。一手經理。督商妥辦。並即督飭司道。與盛宣懷酌議章

程。截清用款。其大旨以嗣後需用廠本。無論多少。悉歸商籌。從前用去官本數百萬。概由商局承認。陸續分年抽還。惟限期須從寬緩。大率以紓商力。扶官廠為主腦。以中國興造鐵路。必須路廠一氣。軌由廠造為要義。俟鐵路公司。向漢陽廠訂購鋼軌之日。起。即按廠中每出生鐵壹噸。抽銀壹兩。即將官本數百萬。抽足還清以後。

仍行永遠按噸照抽。以為該商局報効之款。該道力顧大局。已於肆月拾壹日。將漢陽廠內廠外。各種鑪座。機器。房屋。地基。存儲煤鉄料物各件。以及凡關涉鉄廠之鉄山。煤礦。運道。碼頭。輪剝各船。一律接收。自肆月初拾日以前。鉄廠歷年各項用款。共約計銀伍百數十萬兩。除歷次奏撥外。不敷之款。均係查照奏案。在槍砲局經

費。及布局息借之款項下。移撥應用。並有積欠洋廠華廠及各商號之款。此時因所欠華洋各廠物料價值。及湘煤廠價運費。與夫洋匠薪費。鐵廠。廠鐵山。運道。煤井。各處工匠員司薪費。以及存廠鋼鐵煤炭各種物料價值。茲正在官商交接之際。一時數目未能截清。兼其中多有與槍礮局牽搭分認之款。俟將各件點清核明截

數後。即當將確數行知商局立案。業經與商局議明。無論將來尾款若干。商局均允認還。並續行咨部立案。一面督飭鐵政局司道。分款詳細造報。溯查福建船政。及津滬製造局。開辦經費。各數百萬兩。皆無收回之日。鐵廠改歸商辦。用過官款。但期鐵路開辦。即可按日計噸。常川提繳。現已議定。俟尋獲佳煤鑛後。除漢陽廠兩爐

齊開外。必須在大冶之石灰窑一帶。添設新式生鉄大爐四座。計每一爐日出生鉄六七十噸。六爐共日出四百餘噸。每年可出生鉄約十餘萬噸。即每年可繳官款約十餘萬兩。歲月雖寬。涓滴有著。從前所費數百萬不致虛糜。抑臣更有請者。鐵廠一事。因在資本之足。鎔煉之精。而利益轉輸。尤在銷路之廣。目前中國製造之藝。

尚未能各闢畦畹。自出新機。農工器具。土鐵足用製造。官局歲購不多。綜計用鉄大宗。無如路軌。鄂廠采煉。本為杜中國鉄路極大漏卮而設。比將廠造鋼軌。寄交督辦津蘆鉄路胡燏棻。兼督飭洋人施德林分驗。據稱炭錳停勻。出產本佳。提煉加淨。鋼質益純。施之抵壓牽扭諸器。無往不宜。是路軌船軀械種種合用。驗有明徵。中國

苦心孤詣。煉成鋼鐵。不異洋產。萬一
各省辦事人員。以意見為好惡。仍舍
其自有。而求諸外人。則自強之志。
既大相剌謬。廠商之力量。亦必不能
支。此次華商承辦鐵廠。臣與盛宣懷
堅明要約。以盧漢路軌。必為鄂廠定
造為斷。並懇

天恩。飭南北洋大臣。直省各督撫。嗣後凡
有官辦鋼鐵料件。一律向鄂廠定購。

不得再購外洋之物。蓋鉄務為將來之大利。而目前數年內。承辦商人。必先墊不貲之鉅本。必使商局有所恃之銷路。方能招集衆股。籌墊鉅款。以待鉄利之興。至中國創開鉄廠。專為保守自有利權起見。然非輕其成本。不能與外洋鋼鉄爭衡。進口分奪本國之利。查中國仿照西法。煉成各種鋼鉄料件。運售各口。為從來開稅之所。

無。至商廠需用煤斤。係為多煉鋼鐵
出售。遂漸收回官本。與他業不同。應
請酌照廣西絲綢。煙台果酒。江西洋
式瓷器。免抽稅厘數年成案。量為從
優。仰懇

天恩。敕部免稅十年。屆時察看本廠。如有
優利。足可抵制洋鐵。再行徵稅。各等
語。臣等查湖北鐵政一廠。為中國製
造之權輿。亦為外人觀聽之所繫。督